



史字不列號傳記摠錄

國朝鄒漪撰



啓禎野乘十六卷

順治庚子刊
卷一至二

啓禎野乘一冊





梁溪鄒流綺先生纂

啓禎野乘初集

近來野史紛紜真本訛謬爭誇入地上天之
能不顧人非鬼責之禍特懇 鄒先生纂輯
是書體倣傳紀別類分門筆法春秋癖善極
惡洵兩朝之盛事為一代之大觀識者鑒諸

金閨 存仁 堂梓
素政

序



嗚呼史家之難其莫難於
真偽之辨乎史家之取徵
者有三國史也家史也野
史也於斯三者考覈真偽

鑿鑿如金石然後可以據
事跡定褒貶而今則何如
也自絲綸之簿左右史之
書起居召對之籍化爲煨
燼學士大夫各以已意爲
記注憑几之言可以增損
造膝之語可以竄易死君
亡父欺天罔人而國史僞
自史館之實錄太常之謚
議琬琰獻徵之記載委諸

草莽世臣子弟各以私家
爲掌故執簡之辭不必登
汗青裂麻之奏不必聞朝
著飛頭易舌誣生欺死而
家史僞自貞元之朝士天
寶之父老桑海之遺民一
一皆沈淪竄伏委巷道路
各以胸臆爲信史於是國
故亂於朱紫俗語流爲丹青
循螻蛄以尋鼃傭水母

以寄目黨枯仇朽雜出於
市朝求金索米公行其剽
劫才筆之士不自貴重高
文大篇可以數縑邀取鴻
名偉伐可以一醉博易而
野史僞韓退之論史官善
惡隨人憎愛附黨巧造語
言鑿空構立何所承受取
信而可草艸作傳記傳寫
世乎謂予不信則又以人

禍天刑懼之曰若無鬼神
豈可不自心慙愧若有鬼
神將不福人痛哉斯言正
爲今日載筆之良規代斲
之烟鑿也梁溪鄒流綺氏
名家俊民銜華佩實耻國
史之淪墜慨朕引爲已任
先後纂述有成編矣而又
不自滿假以予爲守藏舊
老不擇其矇瞽而問道焉


余敢以兩言進一則曰博
求二則曰虛已夫子作春
秋使子夏行求十有四國
寶書此博求也其定禮也
一曰吾聞諸老聃再曰吾
聞諸老聃此虛已也太史
公於國語世本虞卿陸賈
之書無不攬採叙荆軻留
侯事徵諸侍醫西徵諸畫工
亦此志也具是二者而又

取退之人禍天刑之懼爲
之元龜師保於史也其庶
矣乎鄒子掘衣歛筆自命
野乘未敢棹鞅超乘馳騁
上下于遷固擘壽之間實
斯言也吾有望矣往予領
史局漳浦石齋先生每過
余揚權史事輒移日分夜
就義之日從容語其友曰
虞山尚在國史猶未死也

劫火之後歸老空門每思
亡友墜言輒有冥冥相負
之痛鄒子漳浦之高弟也
卒能網羅纂集以繼其師
之志漳浦雲車風馬在帝
左右監觀陰騭故知恒在
於斯鄒子尚勉之哉嗚呼
鄒子尚慎之哉

石渠舊史虞山蒙叟錢

謙益謹叙



序

王弇州有二云千古而有子長也
亦不能成史記予髫時讀之不
覺失笑先予生十年時弇州猶
在所草史料已燁燁映人倘使
得奉漆器相從重以先方山主

本紀鄭澹泉主志傳所就固可不啻如此啟禎二代蒙霧滛潦激爲疾霆萬卉甲析間有闕損今甲申冬年家流綺鄒子起而任史屬予爲序予竊慨鄒子所叙先正皆不肖所十之三奉談笑十之五奉尺一其未嘗望鬚眉拜堦下者一二耳流綺振筆蒼雅一往畢肖若葉文忠則海山屬鼻劉文端則匡廬蠹起徐文定蒐天人之奧左翼軒而右湘洲鄒忠介挺遺直之操肩忠

毅而肘文介文采風流文文肅
與董文敏並擅而較嶽嶽冬稜
暑尺姚文毅與張清惠齊驅而
特瀆瀆若夫北寺之對簿東林
之講席鈎黨之波濤及人封疆
之肝腦塗野予未敢謂前數君
子之非顧廚後數君子之非張
許更後數君子之非文陸也君
家贈公我家太僕正使平心品
藻固可責煥山林鐫勒鍾鼎何
忍以後人引嫌遽晦先德至若
陳徵君鍾袁數先輩展冊揚扃

幾謂古人稽厥歲月方知潞鄭
乃香山遺老尤可思者張孝節
亦嘗爲里中先賢立傳今名在
集中與二孝介俱永而彼直粉
榆此兼槐棘尤二十四年間尚
友無窮之感也嗟乎

先皇帝延英時對雖輦轂小臣
咸沾鎬晏一旦萑苻撲天禍集
宮禁此數十公卿俊筮支撐事
變之績縱不足以弭風雨鞏金
湯亦庶幾千古下獲藉手長樂
未央盛事與各名臣縹緗琬琰

再考一代典訓其何患無子長
流綺而子長自命也吾祝其自
庚申以前今甲申而後各有論
著似前左國後班范卓然爲昭
代成書徐出餘晷刪訂宋王以
上蕪謬一補無子長之缺陷而
更不妨旁訖稗官雜綴小品正
復有干寶不患無搜神有義慶
不患無世說千古而有邀靈枯
管大慰弇州先生所期者是在
流綺已

同里年家友弟薛案頓首

撰



序

間居寡歡况瀾羣籀上自秦漢下訖
 金元廢書而歎曰史才之難也蓋不
 一端哉大約編年與紀傳分而紀傳
 尤難國史家史與野史分而野史尤
 難編年以帝王為主起居有注時政
 有記禮樂征伐詔令封拜百司庶職

各具掌故粲如也標歲月按條例卽
可次第成書若紀傳之作所見異辭
所聞異辭所傳聞異辭裨官雜記悉
爲恩怨好惡之私家傳墓碑無非門
生故吏之語折衷旣難表章非易任
國史者地則蘭臺石室人則宰執侍
從紆朱珮玉貴在日月之際而又大
官給筆扎郡國上計書尚書之副本
廷英之實錄恣所漁獵播管風生述
家史者一姓之譜牒一事之終始一
人之銓除勛伐政事文學卽有畫凌
烟而勒景鐘者首尾瞭如而况高門
華閥芝草醴泉淵源有自鋪張易工
者乎若夫以草莽參集賢弘文之著

作以踈遠代孝子慈孫之描畫以耳目有限而欲周山海軒輶之典故以年代不齊而欲綜宮府封疆賢奸進退門戶黨部之情態雖三長兼擅十行俱下猶惧莫給予少弄柔翰竊好掌錄舊聞間有撰述未敢問世今年甲申運當鼎革感星辰劍履之傾頽懼滄海桑田之變易且念明之以史事自任紀傳略具者如海鹽吾學編溫陵續藏書晉江名山藏以及史槩年表遠止弘正近亦嘉隆萬曆以來槩秘流傳况於啓禎乃取兩朝名蹟薈萃條列略記所知名曰野乘不列帝后不備表志以别于史也萬曆以

上無聞焉予生也晚非身所親歷恐
傳疑也有斗南重望而巋然靈光不
輕點染以避諛而遠嫌也至蓋棺論
定矣或遺蹟多缺蒐採未遍則以俟
續刻寧詳無簡寧核無訛也其所稱
引或本公車之疏牘或考鉅公之誌
狀或質輿論之口碑或奉先達之緒
論或壇坫周旋郵筒往還得於同人
之評跋尺素之褒訛遲之又久聿告
厥成獨是身不列承明足不窺天祿
萬卷八千學慙通德懷鉛抱槧癖類
子雲殊自笑也雖然龍門氏稱古良
史而掇輯不遺自詩書春秋外雜取
之國策韓非諸家涑水資治最謹嚴

矣十六國春秋開元天寶遺事廣陵
妖亂志鄴侯家傳咸援據焉當吾世
有子長君實斯編也安知非中流之
一壺狐裘之一腋哉若曰是晉董狐
所掌且比于謀野則獲則吾豈敢
肯歲次甲申梁溪鄒漪流綺撰

凡例

一予樸樵無似雅好讀史初擬自洪永以迄啟禎採
錄先賢嘉言懿行人各立傳備歷朝之大觀佐簪
筆之不逮苦於卷帙浩繁剗無方斷自辛酉爲
始萬泰以上容次第續編而是集纂輯之始在壬
午春初至甲申冬季刻竣凡先輩之卒于啟禎年
間悉其履歷者咸得登載其或附見後人或并及
後事俱係近日補入以便觀覽至卒於乙酉后者
另列二集不並見云

一是集體做紀傳。別類分門。若品節。若行誼。若經濟。若文學。若循良。若忠烈。若義烈。若隱逸。若孝友。以逮貞姬烈女。方外菘流。悉得表章。罔敢遺失。雖云才愧三長。差幸書成一得。竊見近今野史雜出。衮鉞丹黃。家自爲政。貪同壽米。固金濫等。沉編收史。美言巧飾。穢舌飛汗。妄誇入地。上天之能不識人。非鬼責之禍。予用痛心疾首。矢秉虛公。按行必究。其詳據言定。覈其實是非。不謬黑白。井然至人有本末。品有微彰。外見之賢。奸易剖。中藏之真。僞難明。忠孝廉節。非釣名之資。理學文章。非掩惡之具。予皆得而辨論焉。若夫皇甫之稱帝。羿范曄之傳。蔡姬揆天之藻。非予所取其每卷中諸君子列名。前後一以稿到之日爲次第。不論爵之崇卑。卒之時日。初非有軒輊輕重之分也。

一海內名賢搜羅未徧者。指不勝屈。掛一漏萬。何敢逃罪。况自北都之變。篇帙半歸祖龍。食貧之士。又不克累糧遠涉。廣行採訪。且其後人或賢愚不一。往往以紀載之局。視爲不急之務。卽如雲間董文

敏玄宰。予曾索行述于長君孟履。竟無一字緘寄。亦無半柬報答。玉峰顧宗伯瑞屏。客冬挾刺登門。求教。閣人峻拒。不納。集中所載傳述數言。殊非仰止之意。今先行初刻。聊寄緇衣。隨有續刊。請正同志。或碑誌。或行紀。或詩文。凡在後死者。幸勿吝示。以便登梨。但須郵筒的確。毋至珠玉浮沉。為幸。至於當世名公遺老。清風高節。足以立懦廉頑。不敢遽為立傳。姑俟他日。間或因事類書存。疏議種種。以誌景企。知我者諒不以阿私讓。我耶。

予自遭多難。家徒壁立。立梨棗之費。悉銷。肉補。殆為之。茲際。右。文之世。明末舊刻。雖有。思諱。悉之。究。雖刻在前朝。而無關。昭代尚興。

大人先生鑒

一是編意本闡

大索逆書恐

申呈 撫院

四年奉

函原非揚惡。當茗溪史獄方烈。當事此刻有干碍。曾將原本暨明季遺聞。韓公查驗無關。憲批存案。及康熙

搜求民間啟

年間事蹟藏本蒙本縣 吳伯成父

母及京口

錢目庵公祖。俱以是刻。申送。樵院。

轉達 禮部

以備史館採錄。知我罪我。世自有鑒。

之者。非予所取。知也。

康熙丙午秋

七月既望梁谿鄒

漪流綺補識

今不然。一身行且乞食。四方梨棗之費。悉捐糶口。

之。產以佐不足。勸世婆心。未免過熱。然亦嗜痴之

癖所致。茲際右文之世。明末舊刻。雖存。忌諱悉

聽坊行。予是集。雖刻在前朝。而無關當代。覃思

史業者。當自會心。彼悠悠毀譽之口。非予所能知

也。

順治歲次庚子七月既望鄒漪補識于鷺宜齋

啓禎野乘一集 目錄

卷一

葉文忠公 向高

劉文端公 一燦

文文肅公 震孟

王莊毅公 紀

孫文介公 慎行

尚書李公 騰芳

馮恭定公 從吾 附錄 羽正

王文肅公 圖

姚文毅公 希孟

趙忠毅公 南星

侍郎王公 之案

卷二

侍郎洪公 文衡

尚書汪公 應蛟

總督何公 士晉

祭酒侯公 恪

理少方公 大鎮

尚書陳公 道亨

侍郎蔡公 毅中

都御史陳公 于廷

張清惠公 瑋

侍郎葉公 茂才

太宰周公 嘉謨

左都孫公 瑋

周文簡公 炳謨

都御史曹公 于汴

尚書余公 懋學衡

卷三

布政薛公 近克

寶少丁公 元薦

中丞方公 震孫

錄少劉公 元鑑珍

僕少滿公 朝薦

常少侯公 震賜

員外虞公 淳熙

僕少吳公 默

總憲馬公 鳴起

太常卿姜公 應麟

侍郎程公 紹

錄少沈公 應奎

錄少安公 希范

鄒忠介公 元標

卷四

常少樊公 玉衡

考功王公 象春

陳文莊公 仁錫

侍郎鄒公 維璉

侍郎徐公 如珂

常卿夏公 嘉遇

侍郎公公 鼎

給事傅公 朝佑

給事吳公 國華

寺丞倪公 元珙

太常陳公 幼學

副都馬公 鳴世

御史毛公 羽捷

御史胡公 良機 附魏呈澗等

侍郎孫公 必顯

州守錢公 德

卷五

李忠毅公 應昇

楊忠烈公 連

左忠毅公 光斗

高忠憲公 攀龍

繆文貞公 昌期

周忠惠公 起元

顧裕愍公 大章

周忠毅公 宗建

魏忠節公 大中 附子學泖

周忠介公 順昌

黃忠端公 尊素

周忠毅公 朝瑞 附袁化中等

僕卿劉公 鐸

主事吳公 懷賢

萬忠貞公 燦

尚書丁公 乾學

卷六

常卿蔡公 承植

巡撫劉公 應遇

巡撫梅公之煥

太僕薛公敷政

尚書劉公榮嗣

尚書沈公演

徐文定公光啓

總督朱公燮元

布政朱公家民

經畧熊公廷弼

文學沈公自徵

文學薄公珏

侍郎李公繼貞

侍郎岳公元聲

僕卿陸公獻明

卷七

尚書李公維積

顧文莊公起元

董文敏公其昌

文選袁公中道

給事郝公敬

學使鍾公惺

庶常張公溥

副使黃公汝亨

少卿文公翔鳳

學博楊公以任

行人陳公際泰

解元譚公元春

尚書何公喬遠

朱文恪公國棟

中丞蔡公復一

修撰韓公敬

解元陳公山毓

卷八

党忠節公還醇

侍郎宋公攻

鄧忠毅公謙

吏部宋公應亨

盧忠烈公象昇

鹿忠節公善繼

張忠烈公銓

高忠節公邦佐

經畧袁公應泰

何忠愍公應魁

理卿崔公儒秀

遊擊張公神武

陳忠烈公輔堯

侍郎劉公之綸

學博劉公廷訓

知府鄧公藩錫

巡撫高公名衡

僕少孫公士美

御史宋公學朱

卷九

尚書林公宰

長史米公萬鍾

知縣劉公五緯

僕卿譚公昌言

別駕孫公朝宁

尚書徐公從治

太常田公景猷

張烈愍公振德 附劉希文等

僕少姬公文胤

遊擊龔公萬祿

巡撫王公三善

遊義王公佐聖

巡撫王公附趙士寬

副使王公孫蘭

僕少石公有恒

張壯節公可仕

卷十

賀文忠公 逢聖

劉忠毅公 熙祚

蔡忠烈公 道憲

呂忠節公 維祺

僕卿郝公 景春

僕少徐公 淳

僕卿馬公 如蛟

錄卿盧公 謙

將軍包公 文達

學博龔公 元祥 附姚允恭

知縣龐公 附王端冕

州守尹公 附何寬等

副使樊公 附許文政

知縣劉公 振之

總兵鄧公 祖禹

中丞焦公 附南介仲等

廉使黃公 綱

御史王公 附子士和

公十一

大尹蕭公 漢

僉事王公 徵

朱忠莊公 之馮

蔡忠襄公 附應時盛等

周忠武公 遇吉

御史金公 附何復等

知縣吳公 從義

僉事畢公 拱辰

范文貞公 景文

倪文正公 元璐

周文節公 鳳翔

劉文正公 理順

凌忠清公 義渠

吳忠節公 麟徵

孟忠貞節愍兩公 兆祥 章明

施忠介公 邦曜

卷十二

李忠文公 邦華

許忠節公 直

馬文忠公 世奇

王忠烈公 章

陳恭愍公 良謨

金忠節公 鉉

申節愍公 佳胤

王忠端公 家彥

汪文烈公 偉

吳忠節公 甘來 附陳純德等

成忠毅公 德

閻學丘公 瑜

庶常魏公 學濂

知縣吳公 繼善

巡撫陳公 士奇

卷十三

貢士吳公 桂森

孝廉劉公 楚垣

文學姜公 為里

文學易公 道暹 附易為璉

烈士張公

蘇州五人

太學張公 大同

文學許公 琰

進士鄭公 元勛

孝廉馮公 一第

烈士郝公 奇遇 附 通州童生

烈士胡公 光瀚 附程龍等

孝介陳公 愚

孝廉張公 民表

孝廉劉公 會昌

秀才殷公 淵

文學姚公 時中

將軍秦公 衍祉

義士石公 電

孝介朱公 陞宣

孝節張公 世偉

趙氏僕

武氏僕

孔小優

卷十四

隱君陳公 元素

徵君陳公 繼儒

隱君趙公 管光

同知王公 在公

文學朱公 鷺

孝烈熊公 兆珪

孝子趙公 仁

孝子彭公 有源

文學萬公 元亨

孝義李公 傳錦

孝義高公 起鳳

孝義郭公 亮

孝子熊公 鼎華

義兄李公 士開

孝端鄒公 谷

萬法師 國樞

鄭術士

憨山大師 德清

三峯大師 法藏

卷十五

吳江陳烈婦

錢塘劉烈女

崑山景烈婦

盱江朱貞女

吳江女仙

高陽孫烈婦

華容嚴烈婦

燕京劉娥

晉江藍明娘

應山黃烈女

清苑梁烈婦

孝昌萬烈女

商河黃烈女

漢陽徐孝婦

醴陵唐節婦

松江陳烈婦

無錫浦烈女

枝江王烈女

松滋楊節婦

宜城張烈婦

南昌劉夫人

卷十六

官中二烈女

蕭山搖烈女

京師張烈婦

長沙女子

無錫吳貞女

黃岡張烈女

同安二烈婦

韓城衛烈婦

武進陸貞女

吳縣史貞婦

吳縣二節婦

京師馬烈婦

吳縣徐節婦

山東丐婦

常熟何烈婦

太倉二節婦

無錫黃節婦

無錫胡節婦

嘉興吳節婦

嘉興高賢母

徽州江節婦

敬禮野乘一集卷一

梁谿鄒 漪流綺甫纂

葉文忠傳

公名向高字進卿號臺山福建福清人也生而俊患
 方棘母夫人避外家產於敗厠遂名曰厠東西奔窠
 幾及死者數矣卒不死六歲就外傳稱奇童稍長為
 許令夢熊首拔薦於督學宋儀望以童子應秋試時
 尚○未○聘○許○令○聞○邑○人○俞○氏○有○女○名○俞○令○壻○公○即○公○堂
 治○酒○削○牘○函○幣○成○禮○而○歸○費○皆○令○辦○絕○類○徐○文○貞○受

知聶公豹事萬曆己卯舉於鄉癸未成進士選庶常
試卽居首尋丁內外艱歸已補原職轉南司業進中
允猶署監事丁酉典南試光皇出閣推侍班官所
主對句傲寫指次明切光皇喜見其多髯飄洒私
告中貴曰此飛鬚先生也己亥陞南禮部右侍郎時
李文節郭文毅俱在南相得甚懽文毅入爲宗伯妖
書事起四明欲殺文毅公貽書四明以風波荆棘爲
言遂成顯隙淹南中凡十二年然從此聲望日重丁
未以禮部尚書入東閣時未文懿廢居首揆與公並
拜者故相王文肅錫爵于文定慎行李文節建極
爵矢不出慎行甫拜官卽卒廷機先爲人所論劾後
益困人言不復入直廢亦尋沒於位公遂獨相屢揭
請停買辦救言官司宛平縣官發邊餉及賑濟銀
止派龍袍段價東宮講讀考選起廢上或從或否
然亮公忠正不爲罪也其疏有云時政之壅也如隔
食之病令人困悶而不聊生議論之煩也如霍亂之
病令人昏憤而不自覺人以爲篤論它密揭日或數
紙應手疾書內臣閣門外立候頃刻而就曲盡事情

上每覽之心開。滿三年加太子太保。改文淵閣。給三代誥命。隨傳旨。促造福王府第。人心始安。黔國莊丁收租。挾勢剝掠。因奏。歸之有司。害乃得蘇。于西北東林。浙閩之爭。及辛亥京察。多所調停。必軌于正。癸丑。特命典會試。即閣中票旨。且增額。示眷公感。主恩深重。於東朝調護尤力。先皇貴妃王氏薨。光宗生母也。喪葬極從優厚。妄男子王日乾。效妖書。故智。撼及宮闈。公開具揭。付內臣。日上問方進。上果震怒。此大事。閣中何以無言。增應聲以揭。上大約謂小

人奸計。當靜以處之。毋為所動。上覽之。頓霽威。緘疏不問。嘗引景王留邸。皇考危疑為戒。并以積礦稅與福王為言。人不及知。既而上傳福王所請田土錢糧。乃祖宗成例。卿揭言及景王。朕思皇祖時。皇考與景王比肩。而王今名分已定。皇太子又有皇孫。何猜疑之有。卿又言及礦稅。夫此舉為三殿。非為福王。宜即出贊襄。公疏謝聖恩。稠疊。臣當勉出。唯是皇考當時雖名分未正。然講讀不輟。情意常通。今東宮輟講業已八年。不奉朝謁。間亦已久。福王時時入宮。親疎懸

殊之國無期因而生疑。實難家喻。宜擇吉定期。明示天下。至庄田一事。外議謂王借此極難題目。以圖久淹。礦稅之云。天下實以此疑皇上。此在聖心。必自明白。再論福王朝傳免已久。日期明論。不必再疑。中外始曉。然知公之力言于上也。蓋福王久不入宮。本所明知。姑借外廷為設語。以動王聽。速王行。上復以聖母稀齡為言。遲且二年。眾駭謂中變。決難再挽。公佯不省。請上預慶。仰遣王行。庶幾慈孝兩兼。上不許。公隨奏。上壽聖母。而實留王。人謂存事之盛心。乃矚留愛子之私計。不得不言。不忍不言。上徘徊太息。次日傳諭。如請定以明春。其田土四萬頃。疏減其一。又史王自辭其一。漸有次第。甲寅二月。聖母崩。撰遺詔。明著婚封典禮。皆已定期。并得釋楚宗。蠲稅額半。一日。皇貴妃遣人來言曰。先生全力為東朝。願分少許。惠顧福王。公正色曰。此正是全力為王處。人稱萬歲千歲。及吾輩云。百歲者。虛語耳。皇上壽登五十。不為不高。越此寵眷時。罄行資贈。倍厚。宮中如山之積。惟意所欲。若時移勢改。常額外絲毫。難得况

積年口語可畏一行水釋更得賢聲老臣為王何所

不至貴妃聞之心動乃如期行公送之郊外殷勤致

語而別先是禮部定儀注別皇太子四拜坐受無他

語公密啓皇太子必當加意皇太子深然之欲下坐

谷拜福王固辭乃立受谷其二握手泣別送至宮門

福王過望上與貴妃皆大喜送聖母喪徒步至上

城詣山陵題主舊屬次輔至是特遣公領賞甚厚禮

畢遂請省葬上固不從公堅請乃允放加少師生

庶務又於紹數部無速行公疏勸舉政用人薦

黃蘗寺圖其山川以歸公還里極意山水開福廬靈

巖諸勝比于台宕張差事起上歎曰葉閣老在事

不至此光皇即位二旬即召公已鼎湖再泣熹廟

辛酉再命詹事府主簿同原差行人趣公入時劉公

一燦居首揆與老璫王安同心輔政官府肅清宵人

不便遂有間劉于公謂不欲公速入者公以十月入

朝到閣首請發帑金濟邊得二百萬念遼陽始禍由

撫臣李維翰輕率進兵推官鄭之范剋削軍餉奏請

逮治又爲故總兵戚繼光請補贈謚皆奉俞旨未幾
王安見殺一燬遂以言去國恩禮頗薄刑部郎顧大
章極言于公明一燬初無他意票旨從優一燬竟得
善歸熊廷弼守遼勞苦有功言路齟齬之去袁應泰
敗一燬起廷弼田間又爲處分諸抨擊者以明賞罰
廷弼至遼與遼撫王化貞隙化貞故公癸丑門生愚
而輕信謂西部可仗主進戰廷弼謂勢未可動化貞
遺書公有麟閣奇勛唾手以授老師當不令南昌獨
有其功名已而棄廣寧遁竟陷廷弼與同建諸將
林者疏論逸事遂有門生悞老師之說科臣侯震
疏論諸輔并以不能主張責公公觀人情向背各半
漸有去志王安死魏忠賢益橫以公耆碩故未敢失
禮公亦曲爲弼縫如救章給事允儒帥御史衆周御
史宗建之廷杖高少卿攀龍劉主事宗周之重處公
力居多玉牒成進中極殿復以光皇實錄三鎮捷
功加上柱國辭允汪文言者歛人原名守泰固王安
客居中用事安死避楊州逮入倖免死改名再入機
警有口辨游諸公卿間得爲制勅中書兵部郎鄒公

維璉改吏部。衆疑文言與魏給事大中所爲同鄉不悅。遂劾二人。并及左僉院光斗。忠賢以安故。欲殺文言。遂下文言詔獄。公疏文言之用失在臣。凡再申其說。文言始得杖去。而楊副院璉二十四罪之疏上。中外遂如水火。尋九卿科道疏連上。衆謂當乘此決勝。促公爲助。公不應。曰。閣臣與廷臣所處不同。廷臣主于發奸。不憤激則不盡情。閣臣主于平章。若附和反足僨事。止具揭稱忠賢勤勞謹慎。朝廷寵眷已隆。盛滿難居。宜聽歸。移第保全。終始又言內操一。事。日。雖

朝所無。况聚數萬之甲兵于官庭。肘腋間在今日。雖無可慮。而他日終爲隱憂。止之便已。而御史林汝翥以畏廷杖。潛遁。群瑞圍公第。大索汝翥。公甥也。公具揭自明。言中官鬪閹臣。第二百年來所無。臣若不去。何顏見士大夫。奉旨慰留。盡收回中官。汝翥亦請順撫。上聞受杖。遂移居。再疏允歸。加太傅。廕一子。行人護送。賜銀百兩。四幣坐蟒。夫廩從優。陛辭日。上慰諭以爲國愛身。待名用。公去而文言竟再逮死。且借以起大獄。同事輔臣南昌蒲州俱先後削奪。獨公恩

眷優渥。間有攻擊。終不為動。歸踰年。配俞夫人。卒。謝
疏及之。遂得卹典。慶陵功成。再加上柱國。辭不獲。又
明年卒于家。訃聞。恩卹有加。公初去國。疏至六十二。
再去國。疏至六十七。始放行。生平善。因事就功。在

神宗朝。杜門求去。上必借一事慰之。初為釋滿朝

薦等三人。又為允點閣臣二人。熹廟時。孫公承宗

以閣臣視師。公為勅極其褒隆。引裴度郭子儀事。屬

之。以其間請免帶徵。設法團練。安插邊民。錄用豪杰

詔告天下。有朕寔不逮。貽累吾民語。上不悅。論改

謂感動人心。全在於此。卒不改。壬戌殿試。得文公震

孟為第一。天下共稱得人。震孟後以疏論時事。忤璫

欲杖之。公力爭。語忠賢曰。此上首科狀元。苟遭摧折

不禱孰甚。且固文丞相孫也。柰何獲罪。神明忠賢意

乃解。蓋燕俗敬事信國。璫性畏鬼神。故因以獲濟。嘗

歎曰。昔年事以手代口。雖甚觸忤。怒一夕。即平。請亦

即允。今日與內臣執辨。以口代手。閣中一片地。幾成

口舌塲。雖勝必不繼。後難措手矣。後卒如其言。為人

神情散朗。音韻和暢。談笑解紛。望者意傾。詩文委折

鬯發情法兼至郭文毅素崛強自負於詞壇多所譏
訶惟推服公不置書法圓媚大書尤雄偉所著蒼霞
草續草餘草奏草綸扉尺牘讀史隨筆詩則紀遊小
草賜歸凡三種行世謚文忠

論曰明興相業如商文毅劉文靖謝文正皆以侃侃
行意稱其委蛇獲濟者長沙華亭與公而三顧長沙
援引文襄卒除逆瑾華亭乘間抵隙終剪分宜公獨
急流勇退自保令終豈真謀國之智不如或亦運數
使然若其保全善類周旋官府功亦何可沒也至老
成者方以包荒頌公之中立慷慨者更以調停責公
之養亂進退維谷時實為之覽公始終者其亦王陵
平勃得失之林熙豐元祐紹聖靖國陰陽消長之鑒
哉

公諱一燦字貞白號是菴江西南昌人也父名曰材
官布政公復與弟一煜同登乙未進士門第高華一
時推爲王謝崔盧公澹如也選爲庶常未久引疾歸
癸卯起補授簡討歷贊善洗馬諭德庶子乙卯陞祭
酒遂入爲少詹已而以正詹掌翰林院事充侍班官
尋進少宗伯教習庶吉士公雖優游木天不敢越局
自表見而清望日隆出冊藩封單車匹騎不擾厨傳
訓課諸庶常程功積事以道義聲氣互相敦勉不事

空言其參講。或值召對，必齋戒存誠，異有感動。至君德治道所關及，理亂安危之際，與權奸女寵宦寺外戚之禍，危言激論，異悟當宁。故一時清論，翕然推重。已未京察，有欲中繆公昌期者，賴公力持得免。正人君子，益歸心焉。光皇登極，召福唐葉公向、高子家、尋進、公、大宗伯入東閣，未幾光皇疾大漸，公親受顧命，變起倉卒，人心危疑。熹廟方幼弱，公率九卿黎明候于乾清門外，排闥直入，哭臨既畢，即請見熹廟，登之以出。英、國、張惟賢、孫汝手、公、陸、左手、羅登、無已諱，自科道所指數人外，有言發平日罪過者，宜令該監從容訪實，議處。等以盜竊擬辟。上念其侍皇祖勤勞，欲從寬政，送閣擬諭。公言：皇上欲寬者，恩法司所議者，法願毋以恩廢法。將原本封進。上不能聽，而羣瑞遂切齒于公。是時首輔方從哲以入言引去，福清召未至，公內與老璫王安外與韓公爌同心輔政，收羅名碩，林下諸名賢，彈冠結綬，濟濟克廷。人以為太平可望，公亦累加至少傅兼太

子太傅中樞殿學士。已而時事漸非。公極力匡救。給事周朝瑞主事劉宗周以言事獲罪。俱密揭救免。遼瀋失陷。公念前經略熊廷弼固守經年。臺省交章構陷。坐撤長城。遂于經筵面奏廟堂。提撥中外精神。全在用舍賞罰四字。停當不愁邊臣不用命。不愁外患不蕩平。因擬諭令查究諸臺省論劾廷弼者姓名。治其誣罔構陷罪。降調有差。人心大快。言路之側目。護黨者羣思逐公。又其人多福唐門下士。福唐以召至。遂進問公。謂公無意速福唐來。魏忠賢用事。既以給事手霍維華疏殺王安會。維華例轉給事。孫杰遂劾公。為安報仇。維華與杰亦福唐門下士也。公上疏力求去。遂得允。顧公大章獨憐慨為福唐白。公光明粹白。無攘位意。福唐悟。乃請于上加公少師兼太子太師。賜銀受坐。蟒遣行人護送。馳驛歸。公因陛辭。上言。臣以疎拙之踪。迂拘之性。蒙先帝拔置揆司。仰參燮理。所存歷者。正聖明紹述之會。又封疆危亂之秋。臣竭蹙供事。僅逾一載。淪棄之士。宇未恢。鞏固之河山。多缺。議論有如沸羹。事勢同于累卵。每一念及。真無以

見先帝地下。惟是款款朴誠。每以人世毀譽。此身禍福。舉而付之度外。赤心矢日。血淚回天。仁賢正當凋謝。臣力用其挽推。言官偶觸威嚴。臣默施其留救。卽連章攻擊。百端詭屬。不難明白一言。然心知其驅逐有因。又竊諒其見聞未確。姑以權詞應之。臣今行矣。思皇上受天地祖宗之眷。丁艱難險阻之時。百凡宜慎。起居節游晏。夙興夜寐。修政勤民。至于臨御之暇。又當延見儒臣。留小經。少者資而彰神度。繁臣一念耿耿之忠。想萬世之公。是者痛思。鼎湖。上賓。事起。兩朝之大故。係萬世之公。是者痛思。鼎湖。上賓。事起。倉卒爾時。光景獨皇上知之。事定後。衆口悠悠。遂謂天祐社稷。原無它慮。而危身憂國。抗聲內廷者。遂以譏誑去矣。禁闈秘密。臣有所不盡。知不敢言。但愿皇上清夜靜思。低徊往事。當先帝在龍潛之日。與皇上居鶴禁之中。翼戴者誰人。調攝者誰力。至扶掖乘輿。力阻要挾。當日見以爲功。非今之構以爲罪者乎。功之者。其許其保護之心。罪之者。亦議其好名不學之過。乃乘其戇愚。取戾解雨不施。至皇上鮮敝。惟之恩。

後人抱前車之鑒良可惜耳上下千古呂強張承業
與李輔國魚朝恩法戒昭然著在史冊臣願後人潑
心澄志共扶聖明無以身在日月之際而徒爲五宗
光寵已也至夫恨臣攻臣者毒燄未已又欲借舊經
臣爲難端不知廣寧之失戰守自有公評情罪何難
剖決必使蜚語布聞羅織成獄爲退撫解嘲爲閱科
報怨竊恐莫須有之獄不宜再見於今日故并略爲
昭析仰祈矧鑒乞留此一段緒論宣付史臣俟之數
十年之後仰言出禍隨何所恨哉疏上報聞而已時
公已棄身去國猶慷慨爲王安能廷弼發憤暴白
賢與攻廷弼者恨公益淡大司馬張鶴鳴借獄一獄
終卜年事欲族公大司寇王公紀不可至立削司寇
籍朝論憤然不平忠賢旣殺楊忠烈遂授意言官論
公盡奪公恩銜公勢且岌岌會璫屢獲免教皇帝
盡召諸爲璫削奪者公獨終老林下僕從公官階至
丙子卒于家公生平深沉簡默素直嫉邪遇事有執
意所不可雖賁育不能奪論學本倫理立朝重名節
退居里第田不過數頃第舍一區僮僕數人門如寒

素嘗與當事相約○凡事當以朝廷為尊○君父為重○朋情私交一齊割破○其忠君愛國三十年如一日○卒後謚文端

論曰正德天啓之事○何其繁也○周際三相○長沙以譴停固位○福唐以柔和寵歸○濬陽蒲州號稱秉正○皆去而復出○其峻偉卓絕一斥不復○公與餘姚而已○觀公去國疏○沉淪婉至○足備十稜信史○而予所尤難公者○不徇門戶○不畏臺省○然其百尺無枝○以此而不為縱○請神朝衣○碎朝珠○斬離殿○斷宮扇○題公之壁○謹棟石○二十年間塵土裏無人○更說南昌劉之慨○嗚呼所感○深哉

文文肅傳

公諱震孟初名從鼎字文起號湛持直隸吳縣人翰
 林待詔徵明之曾孫國子博士彭之孫衛輝同知元
 發之長子也世以道德文雅冠冕海內十五出應童
 試名噪一時年二十一舉甲午賢書束躬砥操日
 一編啣晤絕跡城市尤嚴竿牘之戒居父喪哀毀
 幾於滅性營竺塲新阡以葬父即倚墓結廬而居一
 時有真季廉之目時海內名賢若吉水鄒忠介關中
 馮恭定高邑趙忠毅皆以麟鳳在野與公名相慕說

而王盟東南如高忠憲顧端文尤引重公遠近清流
或千里命駕或北面執經坐無虛位戶無停軌以公
車久次人擬之如張文忠孚敬未第居羅山時而行
義過之繇甲午至壬戌凡十上春官爲嘉廟龍飛
首科始成進士廷對賜第一人及第臚傳之日懽聲
動輦轂自通都大邑以至深巖窮谷皆欣欣慶得人
制科以來未嘗有也先是先宗以神廟遺詔召
久廢諸臣于田間故嘉廟初元新政衆正盈朝天
下想見太平而公又以宿學登上第物望傾注與忠
憲諸賢侃侃發舒凡貂璫戚畹如謝往還既而外廷
有僭逆璫以指鹿始禍者因禁講學興黨議鄒忠介
馮恭定兩公以次竄逐公上疏請講學勤政謂常人
之情激於振發則富貴之士皆可引于功名安于頽
靡卽道德之士未免流于迂腐今昧爽臨朝寒暑靡
撤政非不勤而鴻臚引奏跪拜起立僅如傀儡之登
場則聰明何由開暢經筵日講臨御有期學非不講
而中臣進講鋪叙文辭第如蒙師之誦說則睿智何
也皇上之精神旣與羣臣不相浹洽則皇

上之靈爽必與天下不相昭融。退入內廷。而耳目所觸發。德性所薰蒸。自不越于中涓常侍之口頰。夫大君炤臨之體段。帝王宏遠之規模。豈若輩所能解。至于中朝舉動。更有可異者。空人國以營私窟。几似濁流之投。詈道學以逐名賢。有甚偽學之禁。唐宋末季。可為永鑑。夫去者為榮。則仕者不貴。頃尚書王紀削籍歸農。策蹇出都。人謂快于馳驛。破帽蒙頭。人謂華于麟玉。今諸臣被道學之名。以去其貴。且甚于三公九卿也。天子所所者。惟此爵祿名號而至。側目要逆。璫取內旨。重處摘疏中。僥備二字。激聖怒。逆璫傳旨。謂公出位。妄言藐視朕躬。當予杖。賴閣臣與講官禮部尚書盛公以弘等力救。始獲改批。降二級。調外公歸。而時事微異。銀鐺四出。數起大獄。及吳民顏佩章以周忠介之逮。擊殺提騎。告密者欲一網盡東南正人。公與甥姚文毅公自分必死。公計日俟詔使至。即當效高忠憲投淵。自沉。義不受辱。會當事者心動得免。未幾竟以顧同寅獄削公官。烈皇

御極誅璫剪兇。猶有持門戶之見。力尼公出者。久乃

起陞翰林院侍讀。尋進左春坊左中允。再進左諭德。

掌司經局事。克日講官。公之在講筵也。以帝王之學。

必以經術經世。故反覆開陳。務切時事。上每為改

容。嘗講君使臣以禮力勸。上培養士氣。推心感人。

勿徒峻刑法。以啓猜疑。上傾聽久之。罷講。即傳旨

釋前司寇喬允。升副憲。易應昌于獄。又因講筵上疏。

謂國步方艱。大小臣工。當為在山之虎豹。不當為處

堂之燕雀。當為朝陽之鳴鳳。不當為飽葉之寒蟬。當

報聞。尋以奉使益藩禮成。陞右春坊右庶子。掌坊事。

又陞少詹兼翰林侍讀學士。纂脩嘉廟實錄。公在

史局較對。光宗實錄副本多所舛悞。而悖謬之大

者。尤在冊立。挺擊。紅丸。三案。具疏請行改定。上為

之御平臺。召諸輔臣相商。權故事。經筵說書。置春秋

禮記。歷朝因之。神宗曾命官專講禮記。為緝熙盛

事。上從。乙夜覽春秋。以為有關於撥亂反正。命特選

專經者進講。公宿學。久以春秋著名。輔臣以公名上。

講至宰咄歸賜傳賜凶禮也當缺上令補贖公乃

悉言咄六天卿之長而壞法亂紀自玉朝始焉用彼

相上領之既奉御筆咄一章正見當時朝政失宜

所以當講今後以此類推舉朝皆知宸眷有屬枚卜

將舉上遂諭吏部上公名為超拜禮部左侍郎兼

東閣大學士公感知遇非常陳謝就列且念孤忠特

拔不由他途內應外援一切謙絕天下方以中國相

司馬為慶而比肩者不能一朝容矣入直僅兩月有

疏奏工垣許公許公卿方伯申公申公紹芳者兩臣故示

高推于公公片語調停何臣即露章入告遂一疏并

同官何公吾騶俱逐公即日山直驟車就道討公通

籍十九年立朝不滿三載憂讒畏訕十居其九然公

天性恬淡夷猶曠遠歸後惟與子弟談藝讀史品

法書名画金石鼎彝位置香茗几案亭館花木以存

門風雅事丘壑之好老而不衰佳辰令節載酒湖山

徜徉賦咏陶情寫意不廢絲竹歸甫六月而姚文毅

卒公哭之慟居恒輒獨坐嗚咽越十五日夜坐正寢

瞑目長逝蓋崇禎丙子歲也生平律身清介歷宦以

序○前○對○秀
來○負○郭○不○滿○數○頃○身○沒○未○幾○諸○子○已○家○徒○壁○立○詩○文
秀○達○莊○雅○楷○隸○行○艸○規○模○家○法○而○隸○書○尤○入○漢○人○室
所○著○有○姑○蘇○名○賢○小○紀○蓋○吳○中○文○獻○所○係○云○禮○臣○顧
錫○疇○為○公○請○易○名○南○都○諡○公○文○肅

論○曰○公○固○宋○信○國○裔○劍○眉○稜○豎○目○光○如○電○與○信○國○遺
像○酷○肖○故○公○少○引○鏡○照○顏○輒○自○負○不○凡○云○信○國○以○寶
祐○登○狀○元○公○與○異○代○繼○起○信○國○凡○子○賈○似○道○公○厄○于
權○璫○璫○相○信○國○朝○十○年○公○考○槃○築○室○亦○極
嚴○整○之○美○又○具○信○國○之○就
義○燕○市○與○公○昌○言○盛○世○雖○所○遇○不○同○其○孤○忠○報○主○明
國○家○數○百○年○尊○賢○敬○士○之○報○則○一○未○可○優○劣○論○也○然
則○公○真○信○國○後○身○哉

王莊毅傳

公名紀字惟理號憲葵山西芮城人○中萬曆乙丑進士○主事由員外轉正郎時國本未建苑枯形成○中外多所趨避○公獨守正據典禮○凡官府儀制遠嫌疑○別長幼動有深意○諸羽翼東朝者羣倚重焉○由是以望郎名重一時○擢光祿少卿○壬子主考河南○覩宦途溷濁○以由君子觀之一節○命題爲昏夜乞哀○求富貴利達者○作痛砭○時貴醜之深○以爲恨○然公名高莫能刺也○

已陞常少提督四夷館出撫保定乙卯加副都丁巳
陞戶部左侍郎兼僉都御史總督漕運敷歷中外累
著勞績庚申陞尚書入督倉場壬戌陞刑部尚書會
客魏擅權執政有陰與通者公心憂其事刑部郎徐
某惡熊廷弼欲殺之并以此攻給事中周公朝瑞惠
公世揚二人皆負讜直聲公因上疏言朝瑞批經尺
之鱗天下目爲朝陽鳳世揚射高墉之隼天下目爲
殿上虎某誠抱孤憤欲爲天下擊賊今有人于此巧
能移奪人主之視聽力足顛倒天下之是非交結權
璫誅鋤正士黃瓜臺辭已賦同文館獄將興此今之
蔡京某何不明目張膽出袖中彈文相擊直與正骨
浩氣之朝瑞世揚日尊干戈不已耶疏上某罷御史
楊維垣譏公吞吐請令指名具奏公復上疏言宋朝
奸臣蔡京天資陰詭流毒縉紳遺禍宗社今日執政
之事其結交魏進忠與京之契合童貫同乞哀董羽
宸與京之懇款陳瓘同蓄養死黨與京之固結吳居
厚王漢之同顧命元臣劉一燝周嘉謨之罷逐與安
置呂大防蘇轍何異持正言官江秉謙熊德陽侯震

賜之擯斥與貶謫御史常安民何異尤可訝者賄交
 婦寺竊弄威福中旨頻傳而上不悟朝柄陰握而下
 不知此又京迷國罔上怙寵弄權之要訣曠百世若
 合符節雖謂起九原之京復出可也疏入客魏怒甚
 適終卜年劉一獄下獄公不肯附和殺人遂內批削
 公籍歸公與夫人騎二騾襍被蕭然以去尋卒于家
 烈皇帝卽位復公官贈少保予謚莊毅
 論曰逆瑾之橫首擊之者韓莊毅逆賢之橫首擊之
 者公並以六部大僚為批鱗請劍之舉老成謀國身
 殉社稷固非新進小臣所可比也然韓公所上者猶
 舉朝合詞公則獨身犯難且瑾在當日內無官闈之
 助外無執政之比公則一疏而燒聖杞檜群思刺刃
 其得全者亦幸耳方公于韓公其亦後來居上哉

孫文介傳

公諱慎行字聞斯號淇澳直隸武進人也幼卽晝夜
 耽占籍以古先哲自待辛卯例入北雍爲馮公琦鄒
 公德溥所賞重甲午乙未聯第以一甲第三人授編
 脩妖書事起時宰有所逞憾欲窮其獄公抗言是何
 可深究亦整存國體乎新建以中旨逐爲長歌送之
 郊人已知公非躡嚙營一官者矣前後以艱歸冊封
 婦請告婦歸輒鍵戶著書聲影俱寂一縑不入門一
 字不投公府司道郡邑十請不一見卽見請地方事

謝不知嘗言我輩鄉大夫所聞多浸潤膚受不若公
府之明察爲覈作居里記以見志典制誥不以諛詞
褻王言體以詹事知貢舉空竇塞穴嚴察迴避中官
持本至叫囂麾出闈外令供事官傳本入簾內外肅
然既升禮部侍郎視篆有福王之國事先是福府挾
母愛以有寵于上東朝日久未定廷臣爭冊立並封
多被譴後雖得立猶未出閣也既而廷臣屢以之國
請至癸丑始奉旨卜吉明春顧猶以庄田取盈四萬
曠日持久不可得將尼行色公甫視事奮然曰此禮

臣責也時

神廟請攝久典禮廢弛公首疏關治

者數事遂及之國期率十日一請而堅持庄田如潞
府例奉旨切責公不顧又連請東宮出閣交贄其說
亦不報及疏中有何代不封王何王不之國等語流
傳入禁中神廟大感動始命所司擇吉無何內降
忽更期後年葉公向高當國皇恐持未下公擬伏闕
爭而亟以九卿公疏侯命闕下如是者二旬出入殿
廷每與諸大臣旅會詞氣慷慨輒曰今日是某死所
還向葉公曰今日是相公死所九卿相顧感激爭出

危言佐之。聲朗朗徹大內。於是福王自請減莊田以行。而大典告成如期。然忌公者且踈居功。目公矣。其他若慈聖太后廟號。王貴妃藏主。諸王選婚。皆關聖孝。聖慈至大者。公動引典禮爭。楚獄久寃。公平反釋。其幽滯者數十人。代藩廢長立少。公念其事正。與東朝頌。亟正之。杜小人窺伺者。而庚戌科場之弊。卒按法持之。群小滋不悅。又以其職從祀。豫章延平在部。踰年請告去。而忌公者竟以京察中公。得旨。始舊調理。及公再召為禮部尚書。則鼎湖再泣矣。公入朝。乃

首論紅丸事。先是光宗大漸。有鴻臚丞李可灼進

紅丸服之。遂崩。廷臣交章劾可灼。首輔方從哲。票令引疾去。從哲亦引疾。公上疏略曰。春秋許世子進藥於父。父卒。世子自傷。與弒不食。死。春秋書為弒君。然則從哲宜何從焉。速劍自裁以謝。皇上義之上也。合門席藁以待。司寇義之次也。乃晏然傲然。含糊支辨。至滿朝攻可灼。僅票回藉調理。是可忍也。縱無弒君之心。已有弒君之事。欲辭弒君之名。益難。免弒君之實。并及貴妃以遺詔封后。神廟擬謚。恭例。國。薛代。

亡國李選侍不早移乾清宮有垂簾之漸嵩坐德哲
不能先事匡正為弒逆顯據語加峻切得旨九卿科
道議議多是公者既上詔奪從哲一官面成兩燬二
三逢內者不憚也公尋以爭秦藩封爵非例情旨引
告歸會楊忠烈公二十四罪疏上嵩忠賢怒甚請修
門戶郤者借瑞為虐大起詔獄忠烈既考死公煠紅
丸一案坐戍得寧夏極邊合之刑部侍郎王公之家
手挺擊忠烈爭移官行三大案因特修三朝要典布
告天下坐公等行且殺公公坦然將就道

而熹皇崩毅宗立誅瑞及其黨與公始解戍復

故官戊辰改元以原官協理詹事府召公高卧不起
八年如一日既而羽書狎至天子齋宮引咎詔釋在
藉堪任閣員者廷推及公乃以原官膺特召公宿病
頗劇扶曳應命至滕縣病益篤抵都門猶齋肅異入
覲草二疏一剖流賊一獻所著書皆未上欷歔泣下
日吾生平出處甚明死亦何憾但人生有隱痛事最
自難忍遂寢疾十三日而卒公自讀禮時與僧靜峰
讀古德公案往復參求者三年峰始印可嘗作普門

大士聞觀纔合眼○便有種種異相○如昔人所謂靈山
 一會儼然未散者○忽有提之者曰○此何可執○公爽然
 從前有所得心○爆地俱斷○既乃一意儒宗○癸丑傳易
 甲寅再傳○戊午三傳○癸酉四傳○總名明洛義○以授張
 清惠公瑋○外人無傳焉○朔望跪讀中庸一章○因悟不
 觀不聞之所○卽大易不獲身不見人之所○作慎獨義
 凡百篇○讀書談道表章諸儒○以朱晦庵陸象山王陽
 明三先生為依○編選合若干卷○自漢以來詩義微缺
 公選唐詩再歷宋詩○又因諸史舊文作事
 編以才節兼全者為上○其次節勝才○或才勝節○又其
 次則節不足而才足○裨用者所日課○凡五○一默坐二
 玩易○三支菘○四書史○五作字○而于字學尤深得鍾王
 筆法○卒謚文介○任孫自式○中丁亥進士官簡討○正直
 忠厚○最留心吏治○人才抗疏屢陳○時政人爭稱之
 論曰○神廟廢棄○諸賢論國本者○什之四○攻門戶者○遂
 借是為一綱○計公既翊戴元良○又立朝侃侃負山嶽
 麟鳳聲○宜其及矣○卽清流如顧厨俊及輩○群倚公為
 重○然公嘗言○余身父母有仕○則朝廷有何問○以東以

西○又○嘗○言○知○止○可○盡○大○學○慎○獨○可○盡○中○庸○忠○恕○可○盡○
論○語○性○善○可○盡○孟○子○此○不○亦○慥○慥○篤○論○耶○善○乎○張○清○
惠○之○論○公○謂○篤○行○如○君○實○憂○國○如○希○文○勇○任○道○如○朱○
元○晦○庶○幾○近○之○矣○彼○氣○管○壇○坫○何○足○測○公○萬○一○哉○

李尚書傳

公名騰芳字子實號湘洲楚湘潭人也生有異慧萬
曆戊子舉於鄉壬辰成進士改庶常才名冠絕一時
爲文喜精思探微至忘寢食與同館崑山顧公天竣
相友善詞林故事多詩酒奕棋優游都雅示清貴公
與顧公獨留心經濟以異日救時宰相自任時太平
旣久邊防廢弛文恬武嬉公獨料玄菟樂浪間當有
變起因知制誥艸總督三邊李汝加少傅制其末日
自昔夷夏之強弱皆以人才爲盛衰今口不生才之

時○宜○我○有○久○安○之○理○。但○天○意○難○必○。人○事○宜○防○。况○爾○久○
歷○邊○陲○。卽○當○名○還○禁○闈○。爾○爲○曹○瑋○。若○有○英○物○。如○元○昊○
豈○不○先○見○。爾○爲○呂○蒙○。若○可○代○卿○。如○陸○遜○。亦○當○密○聞○。蓋○
以○文○託○諷○。與○幸○當○事○之○一○悟○也○。然○卒○以○此○得○忌○。天○竣○
爲○言○者○所○攻○。公○上○疏○暴○白○。誣○枉○力○爭○。不○得○因○言○。臣○與○
天○竣○同○官○。同○志○學○術○。文○章○互○相○砥○礪○。天○竣○污○則○臣○不○
獨○潔○。天○竣○去○則○臣○不○獨○留○。遂○與○俱○解○職○。忌○公○者○因○有○
崑○宣○之○目○。并○錮○公○於○家○。凡○十○餘○年○。始○稍○起○爲○南○司○業○。

歷泰昌天啟朝累遷至禮部尚書兼翰林學士會場

忠烈一十四罪疏上逆璫切齒楚人尤畏忌公削公

籍崇禎二年起公原官協理詹事府事公疏辭不允
督促就道尋正位宗伯適京城被圍公調畫守禦心
血几枯旣而冊立東宮百事倚公以辦又奏除宗藩
請名請封等費搜剔科場舊弊疏聞上皆報可著爲
令而公以勞瘁不起矣訃聞贈太子太保廕一子公
少負英卓喜談時事爲朝望所屬天啟時議枚卜楊
忠烈亟推公持門戶者尼楊公日湘潭入能忘崑山
香火情乎事遂中阻公開之與崑山益厚其沒也千

里○馳○書○索○崑○山○遺○集○排○纘○削○剔○使○流○傳○人○間○輕○富○貴○

重○然○諾○公○於○崑○山○蓋○有○古○范○張○劉○柳○風○焉○方○公○為○庶○

常○太○倉○王○公○錫○爵○再○入○中○書○三○王○並○封○議○起○長○安○鼎○

沸○力○詆○太○倉○有○異○謀○太○倉○憤○甚○公○密○具○一○啟○草○朝○房○

面○投○之○大○畧○言○聖○明○在○上○議○者○過○為○杞○憂○以○公○苦○心○

疑○為○集○菴○此○皆○妄○也○但○聞○古○賢○豪○將○欲○立○權○謀○之○事○

必○度○其○身○能○作○之○身○能○收○之○以○我○始○之○以○我○終○之○則○

不○難○晦○其○迹○於○一○時○而○終○可○以○皎○然○於○天○下○公○欲○暫○

承○上○意○巧○借○王○封○轉○作○冊○立○然○公○在○朝○之○日○可○以○遂○公○之○

志○否○恐○王○封○皆○定○大○典○愈○遲○他○日○繼○公○之○後○者○精○誠○

智○力○稍○不○如○公○容○或○壞○公○事○隳○公○功○而○罪○公○為○尸○謀○

公○何○辭○以○解○此○不○獨○宗○社○之○憂○亦○公○子○孫○之○禍○也○太○

倉○讀○未○竟○牽○公○衣○命○坐○日○子○何○處○人○年○几○何○公○對○長○

沙○人○年○二○十○九○矣○太○倉○日○諸○公○言○我○我○無○以○自○明○故○

憤○憤○子○言○美○我○願○受○教○但○謂○我○子○孫○之○憂○不○知○我○每○

啟○上○揭○帖○皆○親○筆○書○禁○中○手○跡○甚○明○似○無○虞○也○公○日○

外○議○正○以○揭○帖○親○書○人○無○由○知○其○所○言○謂○何○公○反○欲○

以此自恃異日能使皇上出公手帖傳示天下否太
倉默然良久復問古人留侯鄴侯皆用權公曰鄴侯
不欲以建寧爲元帥而稱摘瓜詞以衛廣平此經也
非權也但與肅宗私議家事恐上皇不安而遲廣平
爲太子另是一則然建寧之死胎此矣若子房以強
諫爲無益而招致四皓有似行權然亦何嘗請與趙
王並封且所謂權者必須妙智之人委曲婉轉或立
語而移或默然而定若需之數年更以它手雖聖人
不能保矣語次太倉不覺淚下公亟趨出明日閣試
四皓論公復以極言置第三太倉私語公師馮公琦
曰此子真奔逸絕塵之才然國家未必得其用馮以
語公公曰相公惡我乎謂我天乎曰非也以子英露
特甚耳己酉公自引去國后屢起屢廢不克展其才
始服太倉神識云公所著有玉衡集說莊孫子說印
陽明集抄金剛集註若干卷
論曰世側目公者每云江陵再見夫江陵得罪清議
惟奪情杖言官甲第私子數事耳若其輔幼主戢中
宮太阿在握富國強兵厝天下衽席者二十年雖謂

功在社稷可也。公無江陵罪而有其才。萌芽方見。逆施摧折。然則綸扉片席。必容頭過。身柔佞容悅者。而後可乎。江陵不欲。噤拜入衛。後拜卒。以反誅公于漁陽。事彷彿九齡。先見莫肯施行。卒如左券。乃驟乘之。禍不免。曲江之祭。無聞江陵與公。亦何負于國哉。

馮恭定傳

公諱從吾。字仲好。號少墟。陝西長安人也。幼岐嶷。不凡。甫髻鬣。卽深契王文成。人心有仲尼之詩。口誦心維。擬於鞞鐸。嘗以文人何如聖人。廣勗同志。爲德清許公孚遠所器重。舉萬曆己丑進士。選庶吉士。除山西道御史。視中城中。貴以半刺通。却必峻。都中飢。設糜救饑。時自取。墮事克有濟。壬辰大計。公司偵。邏包廝。肅清。生平與相知。贈荅惟書卷。人目爲秀才。御史有相門客胡汝寧。屢彈不去。公特疏斥逐之。一神廟。

中年朝講浸廢。或飲酣斃。左右給使。公齋心草疏。有困麴藥而驩飲。長夜娛窈窕而晏眠。終日等語。神

宗怒。欲賜杖。會長秋節。輔臣救免。請告歸。三年起。故官督長蘆鹽政。每按部。德教為先。遴諸生及鄉老之

堪表帥者。而崇獎之。至吏而餓虎賈。而碩鼠無追法。馬因與要人。方用他言。官祿累削。籍歸。鏡扉塊處。九

年不出門。六年不踰戶。燕寢三楹。竟日危坐。夫人司。啟鑰親朋。罕以刺通。有問學者。一穉子肅而入。坐久

展來。年剪髮。非為供。禱上貴人。無掌大。赫號相贈也。尤。廟改元。累用太僕。尚寶。大理。卿名俱以兄喪未行。

熹廟初。公與鄒公元標同出山。適有遼警。群心惶惶。爭遣其孥。公獨盡室以從。示不返顧。亡何。廣寧陷。經

撫。携手入關。公謂不逮。治何以勗。守關將吏。率同官。具疏。朝論。題之。尋擢副都御史。而鄒公為左都御史。

善類倚兩公為重。兩公倡立首善書院。率同志講學。其中倦倦若心。蓋因東事。孔棘群情未固。士大夫不

知死。緩抱頭鼠竄者。踵相接。欲倡明忠義。喚起親上。死長之心。非徒建旗鼓。號召同方合志也。而群小已

側目矣。是時廷議進藥一案。公謂可灼以至尊嘗試。而許其引疾去。當國何心。至挺擊之獄。與發奸諸臣。為難者必奸。以是群小聞之。愈切齒。郭允厚。朱童蒙。相繼論刺。講學公亦疏陳。謂周家以農事開基。國朝以理學開國。臣等建立書院。豈為名。豈為利。豈為官。豈為一身宴遊之地。豈為子孫世守之業。祇以南都各省俱有。而京師為首善之地。天子之都。都反無甚非。所以壯帝都而昭一統之盛況。今外寇侵凌。邪教猖獗。正當講學以提醒人心。激發忠義。臣等所以不恤毀譽。不計得失。冒昧為此疏。上報開尋。與鄒公後。皆乞身去。又二年起。總留臺未赴。即家拜工部尚書。亡何逆璫禍起。公疏辭。予致仕。明年奪職。陝西巡撫。喬應甲。日以窘辱公為事。已而登見其清。不忍加遺。惟毀書院。曳先師像。擲城隅。以洩其憤。公痛如切膚。吁嗟病榻。晝夜跌坐。二百日夜。不就寢。竟以此死。崇禎初。追贈官。保謚恭定。是時僉都御史鍾羽正見公與鄒公被議。上疏求罷。謂元標理學節義卓冠群倫。從吾默証。潛修特超塵俗。其在衙門。振揚法紀。表率

憲綱案無留牘。廷有暇功。至其倡明經學。成就人才。
 倦倦惟恐。一日不聞道義之談。一人不入聖賢之域。
 者。仰贊皇上講學之勤。率臣民而為皇。極勸興之大。
 必其忠且勤也。而奈何其禁之也。書院之設。實為皇
 上闢首善之功。臣初入署。未與創始。乞先罷。臣退伏
 丘林。誦詩讀書。以終路齒。伏願皇上益勤聖學。講明
 經史。清心窮理。所其無逸。大小臣工。同心同德。悅禮
 樂。熟詩書。以贊內修外攘之治。登斯世子。唐虞三代
 之務矣。疏人。
 正貞修潔。履任。志有聲。同時與鄒馮稱西臺三正人。
 論曰。終南渭水。山高土深。代多偉人。漢則楊伯起。宋
 則呂正獻。最著晦叔。自少講學。以治心養性為本。其
 勲業。律之學問。居多。而鵲雀鱸魚。街集講堂。有閩西
 夫子之流。言謂伯起。清白著聲。危身奉三。莽醇儒事。
 以合。下。公可謂後先一揆矣。吾鄉高忠憲公壇。拈主
 盟。居平。寬于論人。嚴于論學。于同籍。心。公嘗取
 公語。手自抄寫。出入懷袖。其處公集。以為至。嘖。至備。

至正至中非修而悟悟而徹者不能然則公豈非昭
昭兩廡中人哉

王文肅傳

公諱圖字則之陝西耀州人也兄曰國舉進士官保
定巡撫公幼魁傑有大人度稍長從其兄問學博聞
強記才思風發年十六督學徐用簡擢冠諸生每行
部必召公與俱雜諸生中試之所至必第一遂挈公
登太華上太白經藍田出潼關浮淮涉江東游吳越
關河川陸形勝要害之地前迎後却極目縱心慨然
有澄清宇宙之志萬曆丙子舉鄉試第一丙戌成進
士選庶吉士授簡討當是時保定公為御史不附執

政拳毆其私人於朝堂。以佞直外轉。公在史館。方嚴
易直。願然以公輔自待。士大夫。淮西北正人。公兄弟
爲巨擘。然南北部黨之萌。從此起矣。公守簡討十五
年。于時相一無所附麗。四明沈公當國。有妖書之獄。
公援引古誼。極言規切。四明弗善也。久之。陞中允。歷
庶子詹事。以吏部右侍郎掌翰林院事。公前後服官。
資望最深。神宗深居大內。撰進講章。寒暑不輟。蕭
容法服儼如對御。三年外計。邸舍蕭然。苞苴竿牘絕
跡。庭戶。天子稔知公忠。謂可與寄大政。萬曆中年。
黨論起。山陰王公歸德。沈公之後。資地相侷。謂可
以紹二公衣鉢者。咸屈指江夏郭公正域。南昌劉公
一燦。竝公而三。江夏逐南昌。逝物望始專屬公。而黨
人之側目者。日甚一日矣。時富平孫公瑋爲冢宰。秦
人几滿九列。而東南講學。遙相應和。羣小忌而謀間
之。會無錫顧公憲成。馳書救淮撫。乃嗾富平發單詔
訪廷辯。東林淮撫是非。以爲鈎黨之計。公嘆曰。秦人
與東林一網盡矣。亟言于富平止之。羣小恚。移兵向
公。而公之主庚戌會試也。宣城湯祭酒賓尹以領坊。

爲同考官。與知貢舉崇仁吳公爭論闈事。盛氣相詬。許湯之門人王紹徽間行構崇仁於公。公正色拒之。於是公與宣城之際成矣。是時辛亥大計。京朝官紹徽計湯必不免。嗾御史之欲避察者。飛章逐公。公杜門求去。上不許。乃仍主計事。湯亦竟坐不謹。罷諸附湯見黜者。及惜湯之黜者。攢耳并目。雄唱雌和。聚族以求逞於公。公決意求退。抗疏別白。極論湯所以被察。與紹徽等所以媒孽見中之故。削株掘根。窮極底裡。然后移疾去國。疏凡二十餘上。始得請。丁巳內計羣小方用事。遂以糾拾中公。天啟二年。以原官起用。四年。陞禮部尚書兼翰林院學士。協理詹事府事。居無何。而逆閹難作。紹徽柄用。以其私人喬應甲撫秦。應甲有狂疾。將起大獄。公雖削籍家居。睚眦連引。洵洵如不終日。紹徽死。事稍緩。公亦遂卒。時丁卯六月也。思宗卽位。贈公太子太保。謚文肅。蔭一子。予祭葬如制。公明允篤誠。忠君憂國。出於天性。登朝以後。貫穿典章。諮諏政術。參國論。與大議。矯尾厲角。有倫有要。聞者傾聽。語及朝政得失。天下治亂。容有感。

而色有墨惻然若疚痛之在躬也與人交推心置腹
洞見肺腑推薦賢士大夫如恐不及小人在側割席
分坐必遠去之乃已故事詞林官類皆寡言低首優
游養望以待拜遷公獨不然居官奉職敬共夙夜不
以闕曹冷局少自假易凡延見門人故吏娓娓論天
下事分日移晷語不及私孝友篤切事兄如父事後
母如母生平不事生產不邇聲色焚膏宿火老而不
倦著有文集奏議若干卷子淑林舉進士

論曰東林品目實與黨議相終始而國運隨之俱盡

若王公之勁骨高舉孤忠挺豎豈非一代之名賢四
朝之遺碩乎顧公卒不得相天下與天下之不得相
公似有剝復氣運關焉豈細故哉余往有紀事詩云
從來天子皆神聖獨恨奸雄善轉移觀公終始立朝
梗概不能不重有慨矣

姚文毅傳

公名希孟字孟長號現聞吳郡人母文氏為待詔先生孫女早寡有識操以節旌於朝公少穎異與文文肅為甥舅年相若也總卹時每奉母命起居其外父衛輝公文肅輒携甥手閉匿書室中高論古今語刺刺不休師張公世偉奇其才年十六以第一補博士弟子員即名動海內所在有司與賢大夫爭折節願交公嶽嶽無所遜避會顧端文高忠憲講學東林公與文肅聞風悅之頡頏其間以為青松翠柏在是矣

家故赤貧○然矢不以私干當事○諸國士遇公者○或誠
 緩頰資膏火○必正色謝却○獨孜孜以激濁揚清為已○
 任壬子舉孝廉○如其為諸生時○已未登上第○眾虛席
 以館選待公○為書請母○母曰來○然後就試○蒲坂韓公
 曠○南昌劉公一燦○主教習相得甚歡○凡社稷至計人
 才進退○必就諮焉○庚申秋○真皇帝即位○未幾不豫○
 內醫崔文昇侍疾無狀○楊忠烈公給事禮科○將抗疏
 請按治○夜商於公○公亟呼善且曰○此真社稷第一事○
 楊公意遂決○其後○宮中忌者蜚語移疾去
 不令子獨免也○然公終未嘗以此語人○後陳孝廉愚
 狀楊公事○乃聞於世○公之沉深又如此○時正人廢棄
 者○次第擢用○公所契○皆天下豪傑清流領袖○經略熊
 公廷弼○舊稱公督學師○未嘗以文字受知○公獨心直
 其為人○熊既以盛氣好訐為朝貴所疾○爭左袒撫臣
 王化貞以撓之○化貞既敗○廣寧陷○反歸獄○熊公與化
 貞並逮○公扼腕不平○熊赴司敗前○一乞○公出郊唁之○
 慷慨相勞苦○自慈慧寺送至天仙菴○躬率僮從為翼○

蔽○惜○惜○斗○室○中○漏○下○四○十○刻○乃○別○邏○卒○林○立○公○不○顧○
也○客○魏○既○得○志○王○莊○毅○公○以○諫○逐○公○歎○曰○禍○將○作○矣○
遂○奉○母○歸○甲○子○再○入○時○事○已○非○母○復○病○卒○京○邸○扶○喪○
下○潞○河○聞○削○奪○報○蓋○言○路○受○逆○奄○指○擊○公○云○歸○而○周○
忠○介○被○逮○吳○民○號○寃○顏○佩○帝○輩○五○義○士○擊○殺○旂○尉○事○
聞○於○朝○疑○有○主○使○將○窮○治○吳○中○一○日○數○驚○公○預○買○小○
舟○徬○徬○河○湄○爲○全○歸○計○久○之○獄○乃○息○烈○皇○帝○卽○位○
客○魏○正○法○公○以○太○子○贊○善○徵○蒲○坂○再○入○爲○首○輔○有○大○
議○輒○咨○公○如○泰○呂○初○逆○榜○定○爭○揣摩○所○繇○來○遂○漸○側○
目○公○烏○程○以○爭○爰○立○事○甚○公○有○後○言○家○宰○某○與○之○比○
而○排○公○公○念○國○家○方○多○故○天○子○日○以○安○邊○治○國○爲○急○
每○告○同○志○先○寔○事○後○虛○聲○自○人○物○兵○刑○錢○穀○河○漕○屯○
蓄○之○事○皆○殫○力○講○求○時○議○以○救○時○相○非○公○不○可○而○群○
小○忌○亦○益○亟○在○講○筵○四○年○因○事○納○忠○壬○申○春○給○事○吳○
執○御○史○吳○彥○芳○王○績○燦○以○言○事○下○獄○公○適○講○默○容○
保○身○及○論○語○女○於○回○也○孰○愈○章○因○極○言○箝○口○結○舌○非○
盛○世○事○又○引○宋○王○珪○語○恥○君○不○及○堯○舜○臣○不○如○魏○徵○
以○爲○規○每○進○講○吐○詞○激○亮○上○多○傾○聽○僉○人○疑○公○得○

君且入綸扉。遂借試事。逐公左遷爲南京少詹事。公至南而病。病歸二年餘卒。撫臣以其訃聞。請贈卹。如故例。柄國者借譽詞。排偶中之天子。駁弗行。始信媚嫉者之恨公深也。公事母至孝。居廬哀毀。幾於滅性。居鄉邦。勇於任事。吳郡二十餘年。其守令多廉平。愛民。其士大夫畏名簡。不敢爲非。多公與文。肅忠介。力究心。葱嶺之學。淹通宗教。以節母奉佛。謹居廬。後日夜修禪。助樂邦。因丁卯大祥禮懺道場。甫畢。五色雲見。光焰四野。方袍員頂之徒。視風樹堂。如提提蘭。若飯頃。環坐。日不下十人。客有疑而進。曰公居喪。皆合考。亭數奚爲。參墨氏。公曰。吾學佛。非學墨也。况內外二典。正謂此理。極致本無差別。司馬君實。豈欺我哉。當三峰大師初提唱宗門時。教律盛行。多信解。莫及公。獨入山訪道。盤桓法喜。極力弘護。生平不多著書。獨纂佛法金湯徵文錄。若自明其出世之本。因者公卒時年五十八。南都追謚文毅子孝廉宗典。文學宗昌。文行有父風。所著清闕集十二種。八十九卷。傳于世。

論曰公氣節似楊伯起標格類李元禮志存經濟忠
君愛國似賈長沙陸敬輿高文典冊山龍華蟲又兼
韓歐燕許出之然皆不足名公觀公願力攝受醉心
禪悅蓋蓮花座上現宰官身普度一切者公子孝廉
文學述公行事獨津津於李文靖蘇文忠夫文忠戒
禪後身文靖沐浴立逝與公皆以金紫爲蟬蛻者也
知父莫若子信夫然則公之視氣節標格經濟文章
猶太虛浮雲耳况政事堂中一座與宦海之風波冷
沙之齟齬哉

趙忠毅傳

公諱南星字夢白號儕鶴直隸高邑人也爲諸生夙
以文章妙天下問字者戶外屢嘗滿中庚午鄉試甲
成成進士初授汝寧推官稱廉平爲要人所齟僅得
戶部主事江陵相臥病朝士徧走羣望公與二三同
志戒勿往仍爲紀事詩曰二豎能憂國千官爲祝年
傳播人口江陵沒以輿望入銓司尋乞歸後起主選
司事所推擢如海公瑞何公以尙皆一時人望旋丁
艱服闋除稽勲郎遷文選有剖露良心疏譏切時務

抨擊要人爲時所嫌復引疾歸未幾再起司考功會
癸巳當大計澄汰流品較益水鏡於昔相私人不少
假坐是奪職聞公主諱時靜坐篝燈精心參酌有虫
巢於耳繭成而不自覺援筆註考嚴於要津而寬於
散秩遇一權勢姓名奮腕乙之朝賢如王公德完魏
公允貞顧公憲成各具疏申救有叙其無私者曰都
給事中王三餘考功郎南星姻家也吏部主事呂胤
昌尚書鑑之甥也讀至此人皆拱手縮舌後二十八

年光宗登極卽家擢少常卿累遷至右司空旋總

西臺癸亥復內計公作四函議以攻开趙所鋤去

與癸巳等整起臺綱人多震悚亡何晉冢宰一以澄
清爲已任謂長安交際殷煩士大夫朝氣皆疲於應
酬亭午入署惒惒不支請以全力盡職業率子部大
夫昧爽入署以爲常又欲廉巡撫之賢者與郡邑循
吏皆久任銓司如考功文選亦不得皇皇弛擔官評
報部故事以卑冗及樵魯寡援者塞白使貪暴漏網
嘉與天下浣濯此習至再剖良心疏與三十年前一
疏自相喁答謂簞簞濫則彈壓輕上官毋入守令貢

獻○又○上○力○挽○干○進○疏○謂○司○署○選○者○每○遇○退○朝○羣○輩○遮○
留○講○陛○講○調○講○地○方○講○起○用○恒○至○嗑○乾○舌○敝○而○後○脫○
比○至○署○則○私○書○公○書○闐○戶○盈○几○應○對○不○暇○蟠○木○而○藉○
先○容○積○薪○而○欲○居○上○不○從○則○又○爲○書○切○責○以○爲○違○公○
論○必○如○所○求○而○後○已○面○皮○世○界○書○怕○長○安○雖○使○臣○有○
返○老○還○童○之○術○與○執○簿○呼○名○之○吏○無○異○適○足○以○敗○其○
平○生○而○無○補○於○國○家○旋○當○以○惡○聲○去○耳○請○飭○諸○司○毋○
徇○一○切○請○托○有○挾○而○求○者○自○其○事○會○給○事○某○代○貲○郎○
求○鹽○司○卽○以○貲○郎○置○朱○邸○出○給○事○外○藩○人○嘖○嘖○稱○鐵○
百○至○其○用○人○不○以○門○牆○引○嫌○則○用○高○公○攀○龍○爲○御○史○
大○夫○佐○憲○必○楊○公○漣○左○公○光○斗○領○諫○垣○臺○班○必○魏○公○
大○中○袁○公○化○中○又○從○人○望○用○新○昌○鄒○公○維○璉○繇○樞○部○
調○銓○曹○時○江○右○一○銓○部○尚○在○事○一○省○兩○銓○尤○爲○剗○格○
又○不○與○江○右○臺○省○謀○獨○二○三○同○志○決○之○雖○犯○衆○忌○不○
顧○也○而○楊○公○二○十○四○罪○之○疏○適○以○是○時○上○先○是○逆○璫○
知○公○爲○海○內○第○一○流○傾○意○歸○往○囑○其○甥○傅○應○星○介○某○
甲○翰○贄○於○公○公○麾○去○又○嘗○同○坐○弘○政○門○選○通○叅○公○正○
語○曰○主○上○冲○年○內○外○臣○子○各○弩○力○爲○善○璫○默○然○怒○

形於色。又時相魏廣微其父允貞固與公同好也。公素以通家子畜之。無少假相。以同姓嚴事。闔倖致揆。席公畜之愈峻。或納賄肆關說。執不可。一日踵門請見。門者曰休矣。將悅憤而寢。相怒曰。擯我耶。人可擯。相公尊未可擯也。積恨入骨。與闔比而謀。嚙公會。高公發。崔呈秀狼籍狀。公議戍之。呈秀倉遑走闔所。叩頭請命。言不去某某。我兩人未知死所。適晉撫缺。公以清譽推謝。公應祥相。啖私人上疏。謂謝以吏垣師。故得之。於是署選。夏公嘉遇。與吏垣魏公大中同鑄。逐公亦乞骸行矣。一時名賢辭春明者。蹇衛相望。用必數人。踰年而國遂空。諸小人乃取公素所顯斥。及諸君子抨擊者。分布要地。作逆闔牙爪。首用某御史。言興詔獄。周內掛網。以昧誣公。行撫按鞫訊。當事者方藉是效首功。辱公訟廷。子清衡外孫王鍾麗皆遭痛捶。桁楊於市。觀者淚潛如雨。幸太史錢公士升貽書蔡守官。治得護持。力坐賕一萬五千。追呼甚急。六世之業。終朝如洗。僅充十一。非親知。贖金爲助。清衡且敲朴死矣。獻上公謫戍代州。清衡得莊浪。鍾麗永

昌○纍○纍○並○發○坐○短○轅○攜○殘○書○一○篋○自○隨○執○鍾○麗○手○仰○
天○祝○曰○汝○兩○人○往○戍○所○宜○閉○門○讀○書○彼○蒼○不○終○憤○憤○
也○至○代○僦○居○一○小○樓○顏○曰○吉○祥○又○掃○除○土○室○顏○曰○味○
藁○齋○日○夕○開○卷○或○弄○筆○為○適○卽○有○疋○然○之○音○墜○扉○不○
敢○應○晉○藩○遣○使○存○之○未○敢○聞○命○年○餘○烈○皇○帝○嗣○位○
賜○赦○撫○臣○牟○志○夔○故○留○滯○不○聽○歸○踰○三○月○卒○戍○所○所○
著○有○正○心○堂○稿○行○世○崇○禎○戊○辰○贈○公○太○子○太○保○謚○忠○
毅○廕○一○子○子○祭○葬○

而曰余閱康陵之政未嘗不掩卷三太息也韓忠

足○輸○粟○實○塞○劉○忠○宣○荷○戈○戍○邊○比○瑄○誅○各○還○故○土○優○
游○考○終○猶○幸○也○若○公○始○以○謠○啄○去○位○終○而○流○離○戍○死○
固○小○人○流○毒○然○不○如○是○則○楊○左○忠○魂○往○來○于○霓○旌○霞○
襟○間○者○公○不○得○騎○箕○尾○駕○霄○濤○翔○翔○其○間○負○生○前○領○
柎○清○流○矣○嗚○呼○朱○崖○夜○夢○英○爽○逼○人○翠○竹○冬○生○精○忠○
動○地○制○詞○所○褒○夫○豈○誣○也○

王侍郎傳

公諱之寀。號心一。陝西朝邑人也。性恭謹。好持高節。不苟同流俗人。浮沈。辛卯舉於鄉。辛丑登進士。初令清苑。稱廉能。壬子擢大理評事。尋遷刑部主政。用法平。獄無冤者。釋之。更生。不過也。適張差挺擊東宮事。泄屬公考訊。是時奸人懼謀敗。坐誅。急欲殺差。結案。而諸臣左袒者。如御史劉廷元。刑部郎胡士相等。因緣掩覆。力主瘋癲之說。公曰。瘋癲二字。顧足服天下。萬世哉。吾寧爲法受惡。不願爲亂賊長。因令絕差。

食二日○乃置飯於庭○呼差示之○謂曰○若欲飯乎○曰然○
公曰○饑而欲食○詎真瘋癲者○誠供吐實情○當飯若差○
乃出數語○稍稍及劉成○龐保二豎○久復訊之○乃盡得○
其所爲謀主者○如椒戚鄭國泰○及黃花山團聚三十○
六都頭等公案○俱明白上聞○而一時主瘋癲者○乃遂○
語塞○雖然公之禍○自此烈矣○供實者差也○而訊差使○
以實供不致以宮禁大逆一案付之風影者○固公之○
力八九也○坐是黨逆者○咸側目公○謂不主瘋癲則媒○
孽前星動搖震器者○其罪族不亟置訊○差如公者以○
法則主瘋癲者○其說無以大伸○遂決意殺差○滅口兼○
重罪公以實主瘋癲者○而廷臣十八人會鞠○所得○
供逆狀一十八條○乃徑欲以莫須有三字○盡情抹殺○
矣○嗚呼○忍哉○光皇帝登極○知公留心爲國本計○至○
深且遠○欲大用○未果○天啓初起○公復署前職○因上疏○
力陳前案初末○謂差之挺與崔文昇之鳩○等特有中○
有不中耳○擊而中則文昇一着○可無再下○不中而後○
之藥是○光皇帝之崩○雖文昇之罪○萬死莫贖○哉○
戎之首者○乃挺也○襄公之義○春秋大之○陛下獨○

意乎。上心動。稍除公司寺卿。累遷至右司馬。而向時主瘋癲者俱斥。謫有差。易曰不遠復。詩曰雨雪瀼瀼。見睨曰消。此之謂也。乙丑魏崔燄熾主瘋癲者。更加峻擢。公逮詔獄。竟死獄中。思廟初給諫。瞿公式相為請。卹云。

論曰。方張差持挺入宮。光廟之危。且在五步內矣。而彼憚情。獨憂投器。詭曰瘋癲。黨賊者諛為公忠。討逆者斥為誣罔。卽宋紹述之奉王氏偽學之禁。程朱未有謬亂若斯者也。公在西曹。乃主爰書。遂章法斷。

公洵功在國本哉。獨是九廟有靈。幸不中於青宮。矣。漢而折肱。無驗。終速禍于肘腋。闔人使萬年有道之。聖君僅為一月太平之。天子此又敷天共慘。草莽臣所為涕泗滂沱也。

唐詩選



